

Elektr ta'minotini qo'llab-quvvatlash dasturi - O'zbekiston IES AJ

Mamlakat:	O'ZBEKISTON
Loyiha raqami:	54437
Biznes sektor:	Energy Eurasia MEA
Bildirishnoma turi:	DAVLAT
Ekologik toifasi:	B
Maqsadli tasdiqlash sanasi:	15-Noyabr 2023-yil
Holati:	Kontseptiya muhokamadan o'tgan
Loyihaning qisqacha mazmuni (PSD) chop etilgan sana:	13-iyul 2023-yil

Loyiha tavsifi

Bankning mavjud mijoz bo'lmish va O'zbekistonda ro'yxatdan o'tgan, to'liq davlat tassarufida bo'lgan elektr energiya ishlab chiqaruvchi kompaniya "Issiqlik Elektr Stansiyalari" AJga ("IES" AJ yoki Kompaniya) kredit bo'yicha mablag'larni o'tkazish orqali, uning operatsion xarajatlarini moliyalashtirish uchun, O'zbekiston Respublikasi foydasiga 250 million yevrogacha miqdorda kredit ajratish loyihasi.

Loyiha maqsadlari

Kredit mablag'lari COVID-19 inqirozi fonida aylanma mablag'lar va operatsion likvidlik ehtiyojlarini moliyalashtirishga yo'naltiriladi. Loyiha Kompaniyaning uzluksiz faoliyatini qo'llab-quvvatlash uchun tezkor likvidlik bilan ta'minlaydi va shu orqali kelgusi qish mavsumi oldidan Kompaniyaning to'g'ri tayyorgarlik ishlarini olib borishga ko'maklashadi.

O'tish davri ta'siri

Kutilayotgan o'tish davri ta'sirining bahosi (ETI) 66

Loyiha Barqaror va Inklyuziv o'tish davri ta'siri sifatiga hissa qo'shishi kutilmoqda. Loyiha "IES" AJ

xodimlarini qayta joylashtirish va qayta tayyorlashni qo'llab-quvvatlash orqali "adolatli" o'tish jarayoni qobiliyatini oshiradi hamda "IES" AJning kadrlar bo'limining (HR) strategik qarashlarini ishlab chiqishga yordam beradi. Bank krediti kompaniyaning aylanma mablag'larini va operatsion likvidlikka bo'lgan ehtiyojini qo'llab-quvvatlash orqali COVID-19 inqirozi fonida Kompaniyaning ishlab chiqarish quvvati yetarli darajada saqlanishini ta'minlashga yo'naltiriladi. Shuningdek, Loyiha "IES" AJga tariflarni hisoblash metodologiyasini joriy etishda yordam beradi.

Mijoz ma'lumotlari

O'ZBEKISTON SUVEREN

Davlat energiya ishlab chiqarish korxonasi "Issiqlik Elektr Stansiyalari" AJ

YeTTB moliyaviy xulosasi

250,000,000.00 Yevro

"IES" AJga kredit bo'yicha mablag'larni o'tkazish orqali O'zbekiston Respublikasi foydasiga 250 million yevrogacha bo'lgan miqdorda kredit.

Loyihaning umumiy qiymati

250,000,000.00 Yevro

Ekologik va ijtimoiy xulosa

B toifasi (Ekologik va ijtimoiy siyosat - ESP 2019). Bu tranzaksiya, mavjud mijoz bilan takroriy tranzaksiya bo'lib, YTTB ko'magida ishlab chiqilgan past uglerodli sektoral yo'nalishni amalga oshirish uchun muhim bo'lgan va mamlakatning yirik, gazdan energiya va issiqlik ishlab chiqaruvchi tashkilot bilan davomiy hamkorlik qilish imkoniyatini beradi. Ekologik va ijtimoiy xatarlar dekarbonizatsiya rejalari va maqsadlariga erishish, shuningdek, Bankning talablariga (PR), jumladan, milliy qonunchilikdan tashqariga chiqadigan Yevropa Ittifoqining eng yaxshi mavjud texnikalar (EU BAT) kabi Yevropa Ittifoqi ekologik standartlariga rioya qilish bilan bog'liq.

Mustaqil maslahatchi Ekologik va Ijtimoiy ekspertizani (ESDD) amalga oshiradi va amaldagi Ekologik va Ijtimoiy chora-tadbirlar rejasi (ESAP) va majburiyatlarga muvofiqlik holatini ko'rib chiqadi va atrof-muhit samaradorligi, sog'liq va xavfsizlik nuqtai nazaridan joriy operatsiyalar bilan bog'liq ekologik ijtimoiy xavflarni aniqlaydi, shuningdek, rejalashtirilgan loyiha davomiyligini ko'rib chiqadi. Ekologik va Ijtimoiy ekspertiza (ESDD) doirasida mijozning qazib olinadigan yoqilg'idan ishlab chiqarish energiyadan voz kechish majburiyatini ko'rib chiqadi. Umuman olganda, loyiha YeTTB ko'magida energetika sektori uchun ishlab chiqilgan va O'zbekiston hukumati tomonidan 2021-yil boshida e'lon qilingan Past uglerodli yo'l (LCP) bo'ylab harakatlanishda Kompaniya va mamlakatni qo'llab-quvvatlaydi. Ekologik va Ijtimoiy ekspertiza (ESDD) doirasida Kompaniyaning Past uglerodli yo'l (LCP) ga muvofiqlik va amalga oshirish joriy holatini hamda mamlakatning yaqinda Parij kelishuvi doirasida yangilangan NDC kelishuvi doirasida kompaniyaning dekarbonizatsiya sa'y-harakatlarini ko'rib chiqadi. Ekologik va Ijtimoiy ekspertiza (ESDD) asosida mavjud korporativ Ekologik va Ijtimoiy chora-tadbirlar rejasi (ESAP) shu jumladan, korporativ hisobot va oshkor qilish talablari, foydalanishdan chiqarish va dekarbonizatsiya rejalari qayta ko'rib chiqiladi va yangilanadi.

Loyihaning qisqacha mazmuni (PSD) Ekologik va Ijtimoiy ekspertiza (ESDD) natijalari asosida yangilanadi.

Texnik hamkorlik

Imzolashdan oldin Texnik Hamkorlik ("TC") bo'yicha quyidagi vazifalar ko'zda tutilgan:

- TC 1: Ekologik va ijtimoiy ekspertiza, moliyalashtirish miqdori va manbasi tasdiqlanadi;
- TC 2: Tarif metodologiyasini qo'llab-quvvatlash, moliyalashtirish miqdori va manba tasdiqlanadi;
- TC 3: Loyihani amalga oshirish va strukturalashda Kompaniyani qo'llab-quvvatlash bo'yicha salohiyatni oshirish tadbirlari, moliyalashtirish miqdori va manbasi tasdiqlanadi.

Qo'shimcha

YTTBning moliyalashtirishi noqulay bozor sharoitlari va COVID-19 ta'siridan kelib chiqqan moliyalash bo'shlig'ini qoplaydi, chunki mahalliy tijorat banklari tomonidan moliyalashtirish cheklangan va talab qilingan shartlarda mavjud emas. Mijoz, shuningdek, YTTBning yuqori ekologik standartlar bo'yicha tajribasidan foyda oladi.

Kompaniyaning aloqa ma'lumotlari

"Issiqlik Elektr Stansiyalari" AJ, Xalqaro hamkorlik va investitsiyalarni jalb qilish departamenti -
Rakhimov Aziz
uvespi@tpp.uz
+998 99 8005861
<https://www.tpp.uz/>
23 Bunyodkor shoh ko'chasi, 100097 Toshkent, O'zbekiston

Loyihaning qisqacha mazmuni (PSD) oxirgi yangilangan sana

16 iyul 2023 yil

Tegishli hujjatlar

[Translation: Electricity Support Facility – Uzbekistan JSC TPP \(Russian\)](#)

Type: PDF, Published: 20.07.2023, Language: Russian

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#) dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com electron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi vebsaytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com electron pochta orqali biz bilan bog'lanishingiz mumkin.